



OBRAZOVNO-ODGOJNE USTANOVE U SANDŽAKU

Novi Pazar, 5. maj 2022.godine
RB: 328A-01/2022

Poštovani,

Dan bošnjačke nacionalne zastave je najveći nacionalni praznik sandžačkih Bošnjaka. Obilježava se 11. maja, na dan kada je, 1991. godine u Novom Pazaru, osnovano Bošnjačko nacionalno vijeće Sandžaka (bivše Muslimansko nacionalno vijeće Sandžaka).

Bošnjački nacionalni blagdani utvrđeni su Odlukom Bošnjačkog nacionalnog vijeća na III redovnoj sjednici Vijeća, održanoj u Novom Pazaru, 11. maja 2004. Godine.

Nacionalni praznici sandžačkih Bošnjaka potvrđeni su Odlukom Savjeta Republike Srbije za nacionalne manjine od 23. decembra 2005. godine („Službeni glasnik RS“, br. 23/06) u skladu sa članom 10. stav 1, tačka 5 Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US i 55/2014) i članom 16. stav 3 Zakona o zaštiti prava i sloboda nacionalnih manjina ("Sl. list SRJ", br. 11/2002, "Sl. list SCG", br. 1/2003 - Ustavna povelja i "Sl. glasnik RS", br. 72/2009 - dr. zakon i 97/2013 - odluka US).

U skladu sa gore navedenim, 11. maj – Dan bošnjačke nacionalne zastave u Sandžaku je neradni dan za sve javne ustanove čiji su osnivači jedinice lokalne samouprave na teritoriji Sandžaka. Na zgradama i u prostorijama lokalnih organa u Novom Pazaru, uz državne simbole istaći i simbole bošnjačke nacionalne zajednice.

U školama gdje se nastava održava i na bosanskom jeziku, molimo direktore obrazovno-odgojnih ustanova da obavijeste odgajatelje, nastavnike i profesore da u skladu sa programom nastave i učenja jedan nastavni sat u utorak, 10. maja 2022. godine posvete izučavanju nacionalnih simbola i blagdana Bošnjaka, da školski dan započne intoniranjem himne sandžačkih Bošnjaka i na taj način doprinesete svečanosti obilježavanja povodom 11. maja – Dana bošnjačke nacionalne zastave.

S poštovanjem,


Predsjednica
Dr. Jasmina Curić
